



欽定皇輿西域圖志

| |
|-----|
| ル 5 |
| 104 |
| 2 |

1/2



欽定皇輿西域圖志卷首一目錄

天章一

平定準噶爾告成太學碑文

平定回部告成太學碑文

開惑論

實勝寺後記

西域地名考證敘概

準噶爾全部紀畧

凡五
104
2

欽定皇輿西域圖志

支那錢所
有

欽定皇輿西域圖志 卷首一目錄

Blank space with vertical lines for text.

欽定皇輿西域圖志卷首

天章

臣等謹按大荒之西。伊古聲教阻絕。卽有勤思
遠駕。哆語頓紘恢綱。而事涉鑿空荒唐。難以信
今傳後。洪惟我

皇上文武聖神。功邁三五。準疆回部。並入版圖。每
乙夜運籌。制勝萬里。而用兵不得已之深衷。時往復
於

奎文

金匱要略卷之四
卷首一
睿什間。足爲耆定西域之綱領條目。本本元元。皆於
是乎在。固非直爲新疆斧藻山川。發揮氣象而
已。夫地理廣袤險易。按實者無難履境周知。至
於

廟算之周詳。

神機之妙應。有非臣下管蠡所能推測者。功成之日。
特命畫功臣像於紫光閣。

親製像贊。旁列諸戰圖。復哀集

御製詩文勒石其上。以昭信垂遠。嗣以土爾扈特部

來歸。四衛拉特。全蒙

幃載。讀先後紀略之篇。暨開惑論。西師詩。歸順記所

闡。知曠古偉烈。實緣

天與人歸。有不期然而然者。是不待汗簡編摩。而仰
聖作之輝煌。不啻炳丹青而光日月矣。昔夏史臣撰

次禹貢。備載九州土田貢賦疆域形勝。而祇台

德先二語。則大書昭揭。以爲化原所自起。今臣

等日趨

禁直。密勿欽承。跪捧

宸章具詳端委。茲奉

命編輯西域圖志。敬登

御製詩文之關繫西師全局者。并功臣像贊。分繕四
帙。用冠全書。以爲卷首。俾億萬世而下。睹

雲漢之昭回。思


聲靈之赫濯。不惟著美鼎鐘。實以取衷

宵旰。至因地隨時紀事諸作。仍謹按緣起。分載各卷。

俾讀者於編摹之次。仰洪纖畢貫之

宸裁。得隨處窺覘萬一。共得文十六首。古今體詩三

百二十五首。贊五十首。謹排次總目如左。



欽定皇輿西域圖志卷首一

天章一

平定準噶爾告成大學碑文

遼矣山戎薰粥旃裘毳幕之人界以龍沙畜其驪奚
雖無恒業厥有分部蓋自元黃剖判萬物芸生東夷
西夷各依其地謬舉涇維未爲理據皇古莫紀其見
之書史者自周宣太原之伐秦政亘海之築莫不畏
其侵軼猾夏是虞自時厥後一二奮發之君慨然思
挫其鋒而納之宥然事不中機材不副用加以地遠

無定處故嘗勞衆費財十損一得搢紳之儒守和親
介胄之士言征伐征伐則民力竭和親則國威喪於
是有守在四夷羈縻不絕地不可耕民不可臣之言
興矣然此以論漢唐宋明之中夏而非謂我皇清之
中夏也皇清荷

天之龍興東海撫華區有元之裔久屬版章歲朝貢從
征狩執役惟謹準噶爾厄魯特者本有元之臣僕叛
出據西海終明世爲邊患至噶爾丹而稍強吞噬隣
蕃闌入北塞我

皇祖三臨朔漠用大破其師元惡伏冥誅脅從遠遯跡
毋俾遺種於我喀爾喀厥姪策妄阿拉布坦收其遺
孽僅保伊犁故嘗索俘取地無敢不共逮夫部落滋
聚乃以計襲哈密入西藏準夷之勢於是而復張
兩朝命將問罪雖屢獲捷而庚戌之役逆子噶爾丹策
凌能用其父舊人乘我師怠掠畜於巴里坤擣營於
科卜多於是而準夷之勢大張然地旣險遠主客異
焉此勞往而無利彼亦如之故額爾德尼招之敗彼
亦以彼貪利而深入也

皇考謂我武旣揚不可以旣允其請和以息我衆予小子敬奉

先志無越思焉旣而噶爾丹策凌死子策妄多爾濟那木扎爾暴殘喇嘛達爾扎篡奪之達瓦齊又篡奪喇嘛達爾扎而酗酒虐下尤甚焉癸酉冬都爾伯特台吉策凌等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀也於是議進兩

路之師問彼罪魁安我新附凡運餉籌馱長行利戰之事悉備議之始熟經於庚戌之艱者咸懼蹈轍惟大學士忠勇公傅恆見與朕同而新附諸台吉則求之甚力朕謂犁庭掃穴卽不敢必然喀爾喀之地必不可以久居若而人毋寧用其鋒而觀厥成卽不如志亦非所悔也故凡

禡旗命將之典概未舉行亦云偏師嘗試爲之耳塞上用兵必以秋而阿睦爾撒納禡木特請以春月欲乘彼馬未肥則不能遯朕謂其言良當遂從之北路

欽定皇朝西域圖志 卷首一
以二月丙辰西路以二月己巳各啟行哈密瀚海向
無雨今春乃大雨咸以爲時雨之師入賊境凡所過
之鄂拓克攜羊酒糗糒迎恐後五月乙亥至伊犁亦
如之達瓦齊於格登山麓結營以待兵近萬我兩將
軍議以兵取則傷彼必衆彼衆皆我衆多傷非所以
體上慈也丁亥遣阿玉錫等二十五人夜斫營覘賊
向賊兵大潰相蹂躪死者不可勝數來降者七千餘
我二十五人無一人受傷者達瓦齊以百餘騎竄六
月庚戌回人阿奇木霍集斯伯克執達瓦齊來獻軍

門準噶爾平是役也定議不過二人籌事不過一年
兵行不過五月無亡矢遺鏃之費大勳以集遐壤以
定豈人力哉

天也然

天垂祐而授之事機設不奉行之以致坐失者多矣可
與樂成不可與謀始亦謂蚩蚩之衆云爾豈其卿大
夫之謂旣克集事則又曰苟知其易將勸爲之夫明
於事後者必將昧於幾先朕用是寒心且準噶爾一
小部落耳一二有能爲之長而其樹也固焉一二暴

失德之長而其亡也忽焉朕用是知懼武成而勒碑
文廟例也禮臣以爲請故據實事書之其辭曰
茫茫伊犁大幹之西匪今伊昔化外羈縻條支之東
大宛以南隨畜獵獸蟻聚狼貪乃世其惡乃恃其遠
或激我攻而乘我緩其計在斯其長可窮止戈靖邊
化日薰風不侵不距不來其那款關求市亦不禁呵
始慕希珍終居奇貨吏喜無事遷就斯悞漸不可長
我豈懼其豈如宋明和市之爲旣知其然飭我邊吏
弗縱弗嚴示之節制不仁之守再世斯斬篡奪相仍

飄忽荏苒夙沙革面煎鞏披忱集泮飛鴉食黠懷音
錫之爵位榮以華裙膝前面請願効前驅兵分兩路
雪甲霜鋒先導中堅如鼉錯攻益以後勁蒙古舊屬
八旗子弟其心允篤二月卜吉牙旗飄颻我騎斯騰
無待折膠泉湧於磧蕪苗於路我衆歡躍謂有

天助匪啻我衆新附亦云黃髮未睹水草富春烏魯木
齊波羅塔拉台吉宰桑紛紛款納牽其肥羊及馬潼
酒獻其屠耆合掌雙手予有前諭所禁侵陵以茶交
易大愉衆情衆情旣愉來者日繼蠢達瓦齊擁兵自

衛依山據淖惟旦夕延有近萬人其心十千勇不目
逃掄二十五日阿玉錫率往賊所銜枚夜襲直入其
郭揮矛拍馬大聲疾呼彼人既離我志斯合突將無
前縱橫鞚鞞案角鹿唾隴種東籠自相狼籍孰敢撻
鋒狐竄鼠逃將往異域回部遮之凶渠斯得露布既
至告

廟受俘凡此歲功荷

天之衢在古周宣二年乙亥淮夷是平常武詩載越我
皇祖征噶爾丹命將

崇寬覆校

禡旗亦乙亥年既符歲德允協師貞兵不血刃漠無
王庭昔時準夷弗恭弗諱今隨師行爲師候尉昔時
準夷日戰夜征今也偃臥知樂人生曰匪準夷曰我
臣僕自今伊始安爾游牧爾牧爾耕爾長孫子曰無
向非豈有今是

兩朝志竟億載基成側席不遑保泰持盈

平定回部告成大學碑文

建非常之功者以舉非常之事舉非常之事者以藉
非常之人然亦有不藉非常之人而舉非常之事終

建非常之功者則賴

昊蒼篤貺神運幹旋事若禍而移福機似逆而轉順順
天者昌逆

天者亡故犁準夷之庭掃回部之穴五年之間兩勳並
集始遲疑猶未敢信終劫劬以底有成荷

天之寵在茲畏

天之鑒益在茲爰敘其事如左達瓦齊之就俘也伊犁
已大定矣無何而阿睦爾撒納叛彼其志本欲藉我
力以成已事時也人心未定佐饗者嘗一蠖肆狂萬

崇寬覆核

狙應響蜂屯蟻雜不可爬梳畏難者羣謂不出所料
準夷終不可取並有欲棄巴里坤爲退守謀然予計
其衆志不齊將有歸正倒戈者於是督策將帥之臣
整師亟進旣而伊犁諸台吉宰桑果悔過勤王思討
逆賊以自贖此

天恩助順者一也二酋大小和卓木者以回部望族久
爲準噶爾所拘於阿巴噶斯鄂拓者也我師旣定伊
犁乃釋其囚以兵送大和卓木波羅泥都歸葉爾羌
俾統其舊屬而令小和卓木霍集占居於伊犁撫其

在伊犁衆回乃小和卓木助阿逆攻勤王之台吉宰桑等阿逆賴以苟延及我師再入阿逆遂逃入哈薩克而霍集占亦卽收其餘衆竄歸舊穴此

天恩助順者二也準夷之事前紀畧見梗概茲不復紀紀興師討回之由則以我將軍兆惠在伊犁時曾遣副都統阿敏道往回議事小和卓木乃以計誘阿敏道而拘之乃我師抵庫車問罪彼攜阿敏道以來援至中途害之及從行者百人彼猶逞其狂悖抗我師顏且敢冒死入庫車城乃雅爾哈善畧無紀律致彼

出入自由然我滿洲索倫衆兵士無不念國家之恩効疆場之力故能以少勝衆逆渠懼而免脫此

天恩助順者三也知債轅之無濟掄榦材之可任時將軍兆惠以搜剿準夷餘黨至布魯特部落已款服其衆因命旋師定回部於是克庫車存沙雅爾定阿克蘇畧烏什收和闐師之所至降者望風直至葉爾羌城下而我軍人馬周行萬有餘里亦猶強努之末矣二酋以其逸待之力統數萬人與我三千餘人戰我師之過河者纔四百餘猶能斬將搴旗退而築堡黑

水固守以待此

天恩助順者四也萬里之外抱水救火其曷能濟乃予以去年六月卽降旨派兵撥馬欲以更易久在行間者耳故兵馬率早在途一趨進而各爭前恐後人人有敵愾之憤此

天恩助順者五也副將軍富德及參贊舒赫德輩率師進援以速行戈壁中馬力復疲值狂回據險坐俟頗有難進之勢夫援軍不能進則固守以待者危矣而參贊阿里袞驅後隊之馬適至夜擣賊營我師內外

夾攻彼不知我軍凡有幾萬握炭流湯之徒自然蹂躪顧命不暇於是解黑水之圍鹿駭麇驚遁而保窟我之兩軍合隊全旅以迴阿克蘇此

天恩助順者六也旣而彼料我必再入泰山之壓難當乃於我師未進之先攜其部落載其重器跳而遠去而葉爾羌喀什噶爾二城之舊伯克等遂獻城以降參贊明瑞一邀之於霍斯庫魯克副將軍富德再陷之於阿爾楚爾於是離心者面內前途者反旆二會惟挈其妻孥及舊僕近三百人入拔達克山境此

天恩助順者七也人跡不通之地語言不同之國既已
雀毆寧不狼顧其授我與否固未可定也然一聞將
軍之檄莫不援旗請奮整旅前遮遂得凶渠函首露
布遙傳此

天恩助順者八也夷考西師之役非予夙願之圖何則
實以國家幅員不爲不廣屬國不爲不多惟屢守成
之志無希開創之名兼以承平日久人習於逸旣無
非常之人安能舉非常之事而建非常之功哉然而
輾轉輻湊每以艱而獲易視若失而反得故自締始

以逮定功雖予自問亦將有所不解其故而不敢期
其必然者故曰非人力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心

上蒼之心志

列祖之志勉繼繩於有永保丕基於無窮乎繫以銘曰

二酋偕德始亂爲賊是興王師報怨以直伊犁旣平
蕞爾奚屑徐議耕闢徐議戍設以噢以咻伊余本懷
豈其弗戢圖彼藐回彼回不量怒臂當車戕我王臣
助彼狂狙始攻庫車債轅敗事用人弗當至今爲愧
悖逆罪重我武宜揚易將整師直壓彼疆阿蘇烏什
玉隴和闐傳檄以定肉袒羊牽二酋孽深知不可活
狼狽相顧固守其穴桓桓我師周行萬里馬不進焉
強弩未矣以四百人戰萬餘虜退猶能守黑水築堡
間信達都爲之傷悼所幸後軍早行在道督勅速援

人同怒心曾不兩月賊境逼臨賊境逼臨彼復徼隙
馬繼以進賊營夜斫出其不意賊乃大驚謂自天降
孰敢鋒撓大轅大膊如虎搏兔案角隴種誰敢迴顧
黑水圍解合軍暫旋整旅三路期並進焉賊偵軍威
信不可支挈其妻孥遁投所依所依亦回豈不自謀
豈伊庇猿而受林憂利厥輜重無遺盡掠遣其都丸
遂來獻馘詎惟獻馘並以稱臣捧齎表章將詣都門
奏凱班師前歌後舞尸逐染鏑溫禺釁鼓露布至都
正逮初陽

慈寧稱慶亞歲迎祥

郊廟告成二典並舉皇皇太學豐碑再樹豐碑再樹敢予喜功用不得已

天眷屢蒙始之以武終之以文戡亂惟義撫眾惟仁布惠施恩寰宇共喜古不羈縻今為臣子疆關二萬兵出五年據實書事永矢乾乾

開惑論

夫人情有所弗概於懷者則不能無惑況西師之役決機於午夜之密勿馳檄於絕域之阻闕語言泮不

相同風俗竄然各別是安能人人而告之以祛其疑故事以問明理以答晰因倣四子講德之遺意作開惑論其辭曰有春秋碩儒者是古卑今循規蹈矩喜寬衣博帶如魯諸生厭突梯脂韋若楚公子聞信天主人欲有所締構撻伐雖不敢面折其非而每退有後語也既而定伊犁俘名王成

舊志關新疆兵不血刃而歸馬於華山之陽

西陲一役自乙亥春

兩路大兵進發所過迎降恐後遂擒達瓦齊定伊犁隸屬諸部及秋已告成事無頓弦遣鏃之費乃

告於臻成大夫之席曰唉有是哉有是哉走懷杞人

之憂有日矣夫守在四夷其德莫恢佳兵不祥其理莫眩今所見者迥異乎所聞則是秦皇不必築長城而漢武不必悔輪臺也曷以啟予蒙乎大夫曰子不聞長卿之言乎非常者固常人之所疑也無何阿逆叛羣凶應如蝸如蟻曰梟曰獍斷驛擄牧奮臂以逞一二隻行野宿者或致戕其身命阿睦爾撒納潛蓄異志乘我師既平準夷覬為四部大台吉未遂中途叛逃而一時逆黨如伊犁之巴磧克什木西路之阿巴噶斯哈丹北路之包沁等先後煽附於是碩儒復過大夫之問曰如斷臺肆掠道路為梗何如何果不出吾所訝亟罷是役禍庶少輯大夫曰

子姑俟之於時師重進渠遠跳順者撫逆者勦

丙子春我

師整旅討逆阿睦爾撒納竄去其黨並就勦撫伊犁復定先是喀爾喀有青滾雜

卜者標狡僉回之驛獍也以收都爾伯特四部時曾

賈其牛羊用賜新撫乃藉以煽惑眾喀爾喀且欲私

通阿逆之醜虜

青滾雜卜本喀爾喀台吉恩封郡王從征密旨令將軍等計擒阿逆時青

滾雜卜實漏其信復自軍營逃回游牧京師得正顯心從賊為我參贊大臣那木扎爾執送京師得正顯

戮阿逆既竄罪人斯得喀爾喀眾以休以息然彼時

將帥之臣追阿逆於哈薩克為其所賣同時準噶爾

宰桑之在役者皆習為盜而慣軍詐者也見而輕之

時阿逆竄跡哈薩克方以誘計緩師而將軍達爾黨阿不審先機竟爾按兵待獻坐失事會既罷

役則相率為亂欲復其舊制而恥為我臣是和起被

欺於闢展兆惠戰出於濟爾哈朗之所因也厄魯特宰桑等

從征哈薩克者既心輕將帥所為思逞亂階將軍和起方往追巴雅爾至闕展為逆回莽噶里克厄魯特

呢嗎等設計遣散駝馬倉卒被害而將軍碩儒曰吁兆惠自濟爾哈朗力戰得出賊勢復戢

是蓋禍結兵連吾不知何日之息肩矣爾其重整四

甄夾攻兩路阿逆復自哈薩克竄歸適遇我師又倉

皇而遁去蓋自是哈薩克亦面內歸化欲助我以擒

阿逆而阿逆乃隻身入俄羅斯境窮極伏冥誅之故

也哈薩克以素稔阿逆反覆且畏懷中朝威德奉表來歸請以擒賊自効逆勢益蹙僅以殘喙投俄羅

斯斃焉遣侍郎豺狼不可以犬豕畜鴟鴞不可以鷄

鴨育是反覆喜亂之徒再存之再不知感且殘賊為

奸焉是惟剪刈灰滅之而已更不可以仁義化遷乃

欲姑息了事者又以為不殺降人夫不殺降人可留

降人之馬而與之足力以受其愚則大不可滿福之

遇難以及助二回會與我抗衡皆此沙拉斯嗎噶斯

二鄂拓之所構禍也丁丑春復命將軍成衮扎布參贊舒赫德等由朱爾都斯路進

伊犁將軍兆惠參贊富德等由額林哈必爾罕路進塔本集賽而成衮扎布等遇克勒特烏魯特沙拉斯

嗎噶斯等鄂拓克皆撫降其衆不取其馬駝大軍過而賊皆反去乃遣都統滿福領偏師道勦沙拉斯嗎噶斯二鄂拓克賊人詭持軍門割自稱已就降撫並云前驅除道以待滿福行次哈拉和卓竟以墮計捐

軀至庫車之稽勦實債轅于逍遙更將申律旗鼓一新遂長驅直入而功垂成于崇朝先是和卓木既還故部乃阿逆之

叛小和卓木孤恩助惡及與師問罪圍庫車城而小和卓木來援身竄入城自投羅網雅爾哈善縱賊失機遂致養癰遺患黑水之守主客衆寡之勢雖愚者亦知其

漂搖以三千餘人敵數萬衆而搜穴得米掘井得泉賊銃著木取鉛丸數無萬反以擊賊無不中賊之酋豪於是兩軍相合賊乃遁逃及窮追異域駐旅馳檄

獻馘稱臣遂成耆定之功高

戊寅冬將軍兆惠直薄

固守時經三月深溝高壘賊不敢侵且屢獲神應而夏前調兵在道副將軍富德得以傲促赴援又參贊大臣阿里袞解馬適至內外夾擊威大振至己卯夏會懼六師繼進棄城遠遁入拔達克山界尋以追兵壓境其汗素爾坦沙聞風歸化殺臻成大夫乃進

春秋碩儒而詔之曰兩大部落不爲不强周二萬餘里不爲不廣五年成功不爲不速前歌後舞不爲不祥子徒見始事之秋選悞畏蕙者之騰口是所謂人然亦然人否亦否者也且師旅征伐之於國猶雷霆霜雪之於

天非霜雪則萬彙煩囂之氣不蕩滌非雷霆則四時湮
鬱之氣不鬯宣非師旅征伐則梗我王化者無以讐
伏懲創不敢抗干是以詰戎揚烈益當厯於重熙累
洽之年也子獨不見達瓦齊之懵懵乎達瓦齊獻俘
後赦不誅且優賜王爵以善終設云事慎首禍禮不
納叛是儼然以外夷弑君者爲敵國豈不粵我君哉
碩儒曰豈謂是哉陽舒陰慘生民大情離憂合權品
物同性絕者不可復屬死者不可復生損兵折將無
補功成大夫曰吁子所謂執迷而不悟者矣成大事

者不顧小謀圖大全者寧辭小害示應於近者遠有
可察託念於顯者微或可概且子亦知損兵折將之
由乎彼或內怯於心外受人詒決機不審遲疑擿植
而自貽伊悔豈主人之辜哉若夫虎臣羆士折衝宣
力馬超囊足姚期攝幘渴賞捐軀實不乏人而一聞
如是者午夜爲之酸心舉案爲之忘食雖刻木結蒲
無以加茲而且賞延後昆太常紀錄如子所云則漢
祖唐宗撥亂草創之初寧無一人結纓死綏者哉禮
記聽磬聲則思又何以云乎故非沉幾不足以圖功

非果斷不足以定業彼其狼狽相顧潛包禍謀者以
 螳螂之斧禦隆車之轍不自筭量何異葦苕之鷓鴣
 是以王師屢入霆奮席卷如舉炎火而熖飛蓬覆湯
 泉而沃白雪子何不度以全局待以歲月而為是無
 稽之說哉碩儒曰若僕者乃隙中觀鬪井裏窺天以
 今日應機底績論之何妨再遲數年愧矣服矣豁然
 悚然大夫曰未也子姑聽之夫食椹懷音非納叛臣
 獎躋優遇欲集其勳阿逆初降時備陳賊中情形請
 兵甚力即推誠獎任令副北路
 將軍以行時或有以厚遇新附竊議者密敕周防先示戚親時命固倫
 額駙色布

騰巴爾珠爾與阿睦爾撒納借行密諭察其動定雖
 非預存逆億而逆賊狡獪故智未嘗不在意計中也

操刀必割所戒逡巡阿逆既以未厭所望在伊犁時
 居常不衣賜服及用私印行軍

檄踪跡頗露不逞屢救將軍班第贊鄂容安相機
 擒勦而因循寡斷阿逆得以入覲為詞乘隙生變

子云應機亦非至論三隙可乘未與大軍或又以為
 乘人之釁

不知策妄多爾濟那木扎爾年幼昏暴此一隙也喇
 嘛達爾扎篡奪又一隙也達瓦齊復篡奪之又一隙

也彼時皆未與加征增算何曾於民凡有水旱無不

恤賑運輸給價防其蝕侵甘肅歲賦預免庚辰兩部

永靖並及其鄰哈薩布露梟矚文身無不內屬慕義

歸仁鴻庸爰建千古未聞若子者所謂菽麥未辨安

足以知我信

天主人哉信

天主人乃召大夫碩儒而告之曰若二子者所謂楚既失之齊亦未爲得也夫順

天者昌逆

天者亡故粵宛猶不逆時氣而奉若者豈可恃力而誇張且屢危而屢夷愈變而愈康鉦鼓一動遂定二方鑿空二萬餘里歲事五載已央使畏難而中輟未必不致禍而受殃浮議者方且謂老成之言臧也在易

師之上六曰大君有命復之上六曰迷復有眚今得以利用禦寇由頤有慶是不亦大幸乎夫獲此幸者宜思何以獲此幸於

吳蒼方將矜矜惴惴凜凜皇皇隕越是懼奚暇計之二子之短長也哉

實勝寺後記

歲己巳建實勝寺於西山之下其緣起已見前記不復綴今賴

昊天垂佑

欽定皇朝四庫全書
卷一百一十五
宗社篤祐平準噶爾回部拓地伊犁喀什噶爾葉爾羌
一帶二萬餘里其外羈縻附屬如哈薩克布魯特安
集延拔達克山等部不與焉凡乘機決計信賞必罰
奉

天討罪藉衆集事諸大端具見大學之碑開惑之論西
師之詩亦不復綴茲記者寺左近健銳雲梯營實居
之營之兵是役効力爲尤多故不可不旌其前勞以
勸夫後進先是呼爾璜霍斯庫魯克之戰我師以少
敵衆而賊據險伺隙故凡行陣參伍彌縫之際畧覺

旗靡鼓餒處得銳健兵數十立其間則屹如堅城整
而復進遂乃斬將擐旗用成殊績蓋索倫兵馬射雖
精以之馳突乘勝破陣無不如志而知方守節終不
如我滿洲世僕其心定其氣盛夫人出萬死一生爲
國宣力而爲之君者事成而忽若忘獨何心哉朕豈
爲之哉自己巳設此營而辛巳卽收其效不啻樹樹
十年之得報是潛移默運有若

天授子亦有所不知其然而然者而敬繩

祖武丕揚國烈瞿瞿惴惴惟盛滿之是懼猶初志也是

用重勒碑記之且肖喀喇烏蘇襲迫之狀築堡其側
歲時幸香山閱健銳兵用寓尹鐸晉陽之意不亦可
乎

西域地名考證敘概

禹貢稱析支之敘周書紀西旅之貢自是而外西域
之誌經書莫詳詳西域實權輿司馬氏然司馬氏實
未身涉其地而詢諸其人也徒以漢武勤遠使張騫
輩持賂鑿空繼以貳師興師一狼千羊所得不償所
失遷之所記出於傳聞夫魯魚亥豕以華言傳華言

尙不能無訛而況語音殊衣服異嗜好不同之絕域
哉其不能無訛不待燭照而龜卜矣今我師平西域
伊犁之地屯牧者我人回部之城蕃宣者我臣且國
語切音實能盡各部轉韻曲折之妙是則傳萬里幅
幘之悉正千古記載之舛實惟此時漢唐以前無論
卽如朔漠方畧所載初征噶爾丹時有回回國王阿
卜都里什特者來降稱其地爲葉爾欽哈斯噶爾後
盡歸準噶爾我之使臣不過至伊犁而止不能至回
部諸城也乙亥興師以來執訊獲醜屢詢其人稱爲

葉爾奇木喀什哈爾今則二城之人住京師者有之細詢其音乃定爲葉爾羌喀什噶爾蓋回語謂地爲葉爾寬爲羌謂各色爲喀什謂磚房爲噶爾合而言之則葉爾羌者地寬也喀什噶爾者各色磚房也其他類此皆有名義然彼地自隆古以來其名其義未之或易徒以阻隔幅幘不通音問遂至屢易文而始得其正夫以國語近各部之轉韻而一譯漢音必待再三詳考始能無訛則史遷之不免闕漏益不待燭照而龜卜矣茲爲方畧之書恐分纂之人無所取裁

濫觴者毫釐之差承流者且致千里之謬因取各部山川疆域部落姓氏命軍機諸臣詳考確證歸於一是如提要凡例之作而敘其概如右自是之後統以新證之名爲指南云爾

準噶爾全部紀畧

自古無不誌外夷而實者少舛者多非以其方域所限言語不通耶得什一於千百加以魚魯亥豕其堪信者鮮矣茲者平定準部止封達瓦齊子一人居之京都且城伊犁駐將軍鎮守事耕牧焉念彼原一大

部落不可無紀故就親詢實事書之亦以便方畧纂
敘也準噶爾四衛拉特者綽羅斯部都爾伯特部和
碩特部土爾扈特部是其輝特一部本附庸於都爾
伯特後土爾扈特竄歸俄羅斯故別輝特爲一部仍
稱四衛拉特云衛拉特明史稱爲瓦刺其音頗近史
所載脫歡太師蓋其始祖元亡而其強臣分爲三其
渠曰馬哈木者卽脫歡之父也脫歡者蒙古準語同
爲釜今準人語釜爲海蘇而蒙古語則仍舊蓋準人
自避其祖諱此亦一證也自脫歡逮孛汗其世次不

可考孛汗背正妻與他婦野合而生子曰烏林台巴
韃太師其母棄之澤中孛汗收養之遂統部落又十
三世而傳至賽音諾顏哈喇忽刺是爲策妄阿拉布
坦之曾祖子曰巴圖魯渾台吉有子十二人五曰僧
格策妄之父六曰噶爾丹博碩克圖其餘無事無足
稱長曰策臣次曰巴圖魯策臣與巴圖魯殺其弟僧
格噶爾丹博碩克圖始自藏中回舊部反俗爲汗於
康熙年間犯塞戰敗走死先是噶爾丹博碩克圖旣
殺兄僧格之次子索諾木阿拉布坦僧格舊臣七人

與策妄阿拉布坦同遠逃準語所謂多倫努庫爾者是多倫者漢語爲七努庫爾者漢語謂友蓋其患難相共所謂世臣並赦其子孫七死云及噶爾丹爲我兵敗策妄始還和博克薩里收其父舊屬及噶爾丹餘衆復成部落併縛噶爾丹子獻闕下遂自據汗位子噶爾丹策凌噶爾丹策凌子策妄多爾濟那木扎爾其庶兄喇嘛達爾札執而篡之達瓦齊復因阿睦爾撒納之計篡奪其位達瓦齊者巴圖魯渾台吉之第七子布木之子大策凌敦多卜之孫於策妄爲再

從姪孫其小策凌孰多卜則策妄之祖巴圖魯渾台吉之弟默爾根代青之曾孫其去策妄世派蓋已遠矣先是康熙年間噶爾丹博碩克圖拘繫和碩特車臣汗收所屬人衆併入準噶爾鄂拓克其時有和碩特之拉藏汗者居唐古忒地卽顧實汗之裔也子二人一名丹衷一名索爾札丹衷由唐古忒仍回至厄魯特娶策妄阿拉布坦之女博托洛克爲妻後策妄阿拉布坦知其學習哈拉爾查達術卽巫蠱事也以兩釜夾丹衷身烙死遂令大策凌孰多卜領兵六千襲西

藏擒殺拉藏並虜伊子索爾札我

聖祖仁皇帝

勅諭策妄阿拉布坦不得繹騷唐古忒地並發大兵進
勦於是大策凌孰多卜攜索爾札逃回厄魯特藏地
復平迨雍正年間策妄阿拉布坦死子噶爾丹策零
復與唐古忒和好給索爾札戶十資養並以博托洛
克與韋徵和碩齊爲妻其在丹衷處所生子班珠爾
給戶五資養彼時博托洛克復有孕未產適韋徵和
碩齊後乃生一子是曰阿睦爾撒納故阿睦爾撒納

雖爲輝特台吉實與班珠爾皆丹衷之子噶爾丹策
零死策妄多爾濟那木札爾恐索爾札之子納哈查
逃往唐古忒將伊禁錮至達瓦齊篡立始將納哈查
釋放又和碩特羅布藏車凌者娶策妄阿拉布坦之
女達什色布騰爲妻噶爾丹策凌時因羅布藏車凌
率領伊屬萬戶欲往土爾扈特遂遣兵擒獲羅布藏
車凌囚之以其妻給韋徵和碩齊二子交烏魯特鄂
拓克宰桑伍巴什安置至青海居住之羅布藏丹津
於策妄阿拉布坦時逃至準噶爾策妄阿拉布坦死

後羅布藏車凌羅布藏丹津二人謀殺噶爾丹策凌嗣因羅布藏丹津被拘羅布藏車凌恐亦被囚遂欲逃往土爾扈特故雍正年間我

世宗憲皇帝索羅布藏丹津噶爾丹策凌稱已縛送至中途聞進兵而止者非詐也蓋彼業經拘繫之囚故不靳固而且欲以為奇貨也噶爾丹策凌於丑年死策妄多爾濟那木扎爾年幼其姊鄂蘭巴雅爾同母出也每以善言相勸禁其淫亂策妄多爾濟那木扎爾年既長遂不受其禁制並聽讒言謂其姊欲效俄

羅斯自立為扣肯汗

扣肯汗者女
人掌國事也

遂將鄂蘭巴雅爾

拘繫並殺戮多宰桑其後屠狗盜妻之事無所不為益無忌憚鄂蘭巴雅爾之夫薩音伯勒克遂同噶爾丹策凌庶子喇嘛達爾札攻執策妄多爾濟那木扎爾喇嘛達爾札遂篡汗位有噶爾丹策凌幼子策旺達什者阿睦爾撒納班珠爾欲誘出策旺達什立為汗後被喇嘛達爾札知覺遂殺策旺達什阿睦爾撒納班珠爾二人憇恩達瓦齊云喇嘛達爾札既將與爾同讐之達什達瓦

小策凌敦
多卜之子

殺戮恐禍將及爾於

是達瓦齊阿睦爾撒納班珠爾三人同逃哈薩克至申年達瓦齊阿睦爾撒納班珠爾復回舊游牧處阿睦爾撒納遂殺其兄沙克都爾據其衆復與伊犁喇嘛等合謀殺害喇嘛達爾扎立達瓦齊爲汗其次卽阿睦爾撒納用事二人仍屬親厚有達什達瓦姪訥默庫濟爾噶爾者欲與達瓦齊分領準噶爾猝率兵一萬至伊犁與達瓦齊戰達瓦齊敗至舊游牧額米爾處與阿睦爾撒納會因阿睦爾撒納計誘執訥默庫濟爾噶爾誅之準噶爾衆仍立達瓦齊爲汗達瓦

齊聽伊犁衆宰桑言與阿睦爾撒納生隙阿睦爾撒納本垂涎汗位旣失望遂與班珠爾納哈查及都爾伯特訥默庫等會同哈薩克將額米爾一帶住牧者肆行擄掠且耕種額爾齊斯爲自固計達瓦齊凡三遣兵勦阿睦爾撒納皆不克其後自領兵三萬至阿睦爾撒納游牧之額爾齊斯蹙之阿睦爾撒納勢不敵始投誠來歸此準噶爾始終構亂所由也至準噶爾鄂拓克昂吉之名各異者鄂拓克爲其汗之部屬昂吉爲各台吉之戶下舊鄂拓克凡十有二烏魯特

有四宰桑人五千戶爲一鄂拓克喀拉沁有一宰桑人五千戶爲一鄂拓克額爾克騰有一宰桑人五千戶爲一鄂拓克克里野特有二宰桑人六千戶爲一鄂拓克卓托魯克有一宰桑人三千戶爲一鄂拓克阿巴噶斯哈丹各有一宰桑共人四千戶爲一鄂拓克鄂畢特有一宰桑人三千戶爲一鄂拓克鄂羅岱有二宰桑人三千戶爲一鄂拓克多果魯特有一宰桑人四千戶爲一鄂拓克霍爾博斯有一宰桑人三千戶爲一鄂拓

克綽和爾有一宰桑人三千戶爲一鄂拓克其後復立鄂拓克十有二巴爾達木特有三宰桑人四千戶爲一鄂拓克庫圖齊納爾有五宰桑人四千戶爲一鄂拓克噶爾雜特有三宰桑人四千戶爲一鄂拓克沙拉斯有二宰桑人三千戶爲一鄂拓克嗎噶斯有一宰桑人五千戶爲一鄂拓克布庫努特有一宰桑人二千戶圖古特有一宰桑人五百戶爲一鄂拓克烏拉特有一宰桑人三千戶爲一鄂拓克阿爾闡沁有一宰桑人五百戶爲一鄂拓克札哈沁有三宰桑

人二千戶包沁有三宰桑人一千戶爲一鄂拓克奇爾吉斯有四宰桑人四千戶爲一鄂拓克特楞古特有四宰桑人四千戶鄂爾楚克有一宰桑人五百戶烏爾罕濟蘭有一宰桑人八百戶爲一鄂拓克明阿特有二宰桑人三千戶爲一鄂拓克鄂拓克之外復有五集賽阿克把集賽有二宰桑人四千戶賚嗎里木集賽杜爾把集賽推素隆集賽伊克胡拉爾集賽各有一宰桑人各一千戶其後復立集賽四溫都遜集賽善披領集賽各有一宰桑人各一千戶桑堆集

賽品陳集賽各有一宰桑人各三百戶此九集賽辦理喇嘛一切事務喇嘛有六千餘準噶爾共六十二宰桑二十四鄂拓克一切供賦俱其汗公物其外復取烏梁海及葉爾羌喀什噶爾阿克蘇和闐四城回人租入其二十一昂吉爲各台吉所有而統屬於準噶爾之汗昂吉者準語分支之謂也綽羅斯部之達瓦齊一昂吉達什達瓦一昂吉多爾濟丹巴一昂吉噶爾藏多爾濟一昂吉訥默庫濟爾噶爾一昂吉鄂齊爾伍巴什一昂吉都爾伯特之策凌一昂吉達什

一昂吉伯什阿哈什一昂吉和碩特之沙克都爾曼
濟一昂吉輝特之塔爾巴哈沁薩音伯勒克一昂吉
和通額默根一昂吉多羅特舍楞一昂吉敦多克一
昂吉葉克明安巴雅爾一昂吉車凌班珠爾一昂吉
巴圖爾額默根一昂吉察罕圖克阿睦爾撒納一昂
吉博洛果特台吉諾海奇齊克一昂吉土爾扈特台
吉巴圖爾伍巴什一昂吉吞都布一昂吉共二十一
向於西師詩稱二十一昂吉爲其汗公屬者蓋考之
而未詳茲始詳詢縷細如右然各台吉雖分領其昂

吉凡出師執役無不聽其汗之令則初所譯者亦未
爲大差也統計其汗之二十四鄂拓克九集賽及台
吉之二十一昂吉得二十餘萬戶六十餘萬口成一
部落者百十餘年語云十人成之而不足一人敗之
而有餘吾於紀準噶爾之事益見其不爽賈生所謂
仁義不施而攻守之勢異雖夷狄之有君豈能外是
道哉

欽定皇輿西域圖志卷首二目錄

天章二
 恭奉
 皇太后啟蹕幸避暑山莊之作
 懷柔縣
 山莊燈詞八首
 卽事
 冬至次日啟蹕再幸避暑山莊卽事言懷
 恭謁

皇太后啟蹕幸避暑山莊之作

有序

懷柔縣

山莊燈詞八首

卽事

冬至次日啟蹕再幸避暑山莊卽事言懷

有序

恭謁

景陵敬成長句

有序

恭謁

泰陵

有序

屢聞西師所指降歸者衆七字成詩一篇示志

平定準噶爾告祭

太廟述事

平定準噶爾功成恭上

皇太后徽號御殿受賀詩以言志

六月十八日午門受俘

恭奉

皇太后幸塞外啟程之作

有序

駐蹕避暑山莊作

熱河啟蹕幸木蘭之作

萬樹園燈詞

定北將軍班第遣人解達瓦齊至御午門受俘

冬夜懷軍前十四韻

有序

新正小宴外藩

頻聞

二月十三日啟程躬祭

闕里適以是日逆賊阿睦爾撒納就擒捷音至理宜

躬詣

祖陵叩謝因以路便命改程先謁

泰陵俟曲阜回蹕敬當往謁

孝陵

景陵七字成詩一心誌慶

黃新莊行宮疊去歲韻

恭謁

泰陵

涿鹿行宮疊去歲韻

南苑行宮疊舊作韻

有小序

恭謁

孝陵

恭謁

景陵

御園卽事

免甘省諸郡正供詩以紀事

嘲劉統勳

逆賊阿睦爾撒納奔竄哈薩克我師采入追捕雖
屢戰勝而賊踪益遠因念絕域曠時不欲久勞
師旅宜諭撤兵詩以述意

出師

新春小宴外藩

降旨免甘省本年額賦並積欠詩以誌事

涿鹿行再疊舊韻

紅杏園再疊前韻

詣

闕里瞻拜

五更

大西門樓前較射疊舊作韻

有序

冬日視朝

西陲

俄羅斯驛致叛賊阿睦爾撒納死屍信至詩以紀

事

有序

西師

卽事

駐行營

仲冬南苑大閱紀事

苦衷

欽定皇輿西域圖志卷首二

天章二

恭奉

皇太后啟蹕幸避暑山莊之作

有序

湖豐鎬發祥之地靈萃萬年憶椒藕躬薦之秋星

周一紀載瞻

祖烈祇謁

丹丘爰諏日至之上旬適度天中之令節敬扶

安輦暫駐山莊時則準噶爾部策凌策凌烏巴什等率

衆來歸迎。鑾肆覲用。卽卷阿之勝境。錫茲湛露之鴻儀。迨夫候居金韞。迺復時巡東國。禮因事舉。詩以日增。啟蹕初程。命篇伊始。

追遠柔遐。慶典覃天。中卜吉啟。行驂東巡。五載茲惟

倍前以乾隆癸亥至盛京閱今十年餘矣西極四夷。彼剩三準夷四部曰準噶爾

曰都爾伯特曰和碩特曰輝特策凌等則都爾伯特部也計里方欣。日正永清。塵

喜值雨霑甘山莊避暑今年信

家法欽承敢卽耽

懷柔縣

此役是懷柔七月自避暑山莊啟程往吉林塞外候寒於行邁爲宜且早至旬月者實以宴似繡禾黍。綠如油絃。誦牛刀試布。韋鴻漸求前朝烽堠在何事。守徒修

按是歲都爾伯特台吉策凌等。綽羅斯部台吉噶爾藏多爾濟。輝特部台吉阿睦爾撒納等。先後入

覲。賜宴封爵。均紀

宸什。並恭錄後封爵門。他如歌詠戰功之因地以著

者。登疆域山水門。賦物諸什。登服物土產門。其統論全局。未宜分載者。則彙登卷首。茲於前卷。既恭錄

天章總目。而卷首四帙。暨圖考以下諸卷。仍敬謹分載。以崇體要云。

山莊燈詞八首

傍晚山雲靜。碧空芳園萬樹幕。當中鑿鑄君長新。來享應許觀燈示大同。
火樹騰輝映綠雲。鳳簫聲應鹿鳴聞。御園節景年年

賞誰識山莊迥出羣

巖風入夕覺輕寒。五月煙花快意看。更向幔城舉首望。錘峯早挂玉輪團。

玉蛾火蕊勢飄蕭。借助林巒落翠標。今歲不惟逢閏月。都稱閏得上元宵。

玉塞天關不礙月。雲莊夜靜恰宜燈。法輪輝朗空王現。膜拜殊勝碧眼僧。

何必夏惟方。夜短果然燈與月。為緣黃沙青海胥。來賀湛露薰風普。預筵

龍膏鶴燄光明藏翠柏青楓澹蕩宵嘉客欣看千帳
會詞臣漫詡九瀛朝

倒椀吞刀百戲陳昇平歌裏踏燈輪重裊列坐歡情
洽底用通言藉舌人

卽事

宵衣報到軍書來遠人歸服萬帳偕安之榮之滿彼
懷更籌游牧俾宇恢次第指揮疇咨妥中樞草諭詎
待坐平原獵騎已久延草淺兔肥試馭娑須臾馳呈
諭草看據鞍筆削寧辭瑣因思陸賈有名言馬上治

之却又可

冬至次日啟蹕再幸避暑山莊卽事言懷 有序

粵惟今夏序居天中當西渠來觀之辰適東國時

巡之會爰臨仙館慰彼瞻依廣錫崇封沛予膏澤

繼而西藩部長歸誠而均籲來同 時輝特台吉阿
睦爾撒納等和

碩特台吉班珠爾等
均率其屬款關內附時乃豐邑

祖陵展謁而方勤遠駕念彼生於邊塞入都則痘症足

虞因而再幸山莊頒賚而燕衍斯溥次惟三宿期

匝一旬良由典重

金定皇興西垣圖志 卷首二
郊禋居一陽之來復更以節逢

慈慶祝萬壽之無疆茲惟時哉不遑暇處無非事者用

示懷柔長句述情新篇紀事

夙識義經不省方和鸞却事幸山莊惟欽昨始禋

穹昊必告朝還謁

壽康澤逮新歸盡鳧藻勞因屢駕厘龍驤懷柔要豈耽

遊豫戎索方籌永奠疆

恭謁

景陵敬成長句

有序

皇祖陟遐於今三十餘載每謁

景陵追溯

音容不勝感痛今歲適有西師之役蓋準夷自

皇祖時恃其險遠鷗張絕漠比遭篡奪部衆分奔內屬

者襁至踵接因命帥師徂定仰藉

鴻庥敬成

夙志祇申默禱紀以長言

比歲來瞻匪事頻吾衷有願此虔申

音容日遠仍如昔松柏雲森又報春伊古

一人信巍蕩大清九寓盡臣民西師欲葳

當年志還冀

鴻庥奠漠垠

恭謁

泰陵有序

準噶爾自

皇祖時策妄阿拉布坦恃遠跳梁即已命將致討我

皇考欲繼

前志議以兩路進剿適值噶爾丹策凌方肆鴟張未及

崇寬覆核

翦盪旋即罷師踐祚以來亦惟置之度外羈縻而已比者達瓦齊篡奪頻仍諸部瓦解名王部落接踵內屬機不可失義有必伸爰命大臣統新附之衆益以八旗良騎分路致討冀以仰成

皇考未竟之緒祇謁

山陵祈垂

默佑云

橋山儀樹鬱蔥然

憑几悲深忽廿年承

昔懷柔綏月竈逮今歸順接祁連乘時欲事日中夔命
將因寧漠外邊

先志竟成何敢必尚希
景佑奏功遄

屢聞西師所指降歸者衆七字成詩一篇示志
救寧西極用偏軍

天與人歸敬受欣每至夜分遙檄問所希日繼喜音聞
有征已是無交戰率附常稱不變芸

云大兵過時我屬人等
仍照常耕種誠心向化

籌畫

兩朝光烈在觀揚惟謹敢云云

平定準噶爾告祭

太廟述事

告成蠲

祀異嘗蒸

太室薰風瑞靄凝梗化昔延六十載

準噶爾部自策妄
阿拉坦於

聖祖時特遠鳴張厥後纂
類仍通誅者六十餘年矣

懷恩今挈百千朋伊犁

遼阻奚堪恃

列祖威靈寔式憑久計永安方厯念敢因歲事忘兢兢
平定準噶爾功成恭上

皇太后徽號御殿受賀詩以言志

從來西北不庭方戡亂聊攜數月糧何必先驅張撻
伐早知載道迎去聲壺漿遐荒底定千秋晏

徽號欣承愛日慶豈不慰思寧卽慰訓垂文子懼方長

六月十八日午門受俘

雷霆申宿令是夜大雷雨聞闔受新俘詎乃恩全偕

巴期孟克忒木爾去年隨都爾伯特親王策凌等歸化者至六月間二人乃叛去安能誅竟

逋羅布藏丹津雍正二年反去者我師至伊犁彼即請降以事既久赦而弗誅緝凶新附

奮巴期等皆新降者宥命舊奸瞿謂羅布白練陳班

末雙頑肆市衢謂巴期孟克忒木爾快晴

天意順大禮衆情愉益切欽心鏡永懷鞏帝圖

恭奉

皇太后幸塞外啟程之作有序

西戎底定素節方臨將宴凱旋之師亦賜新歸以
爵載塗者有需時日乘暇而先舉獮蒐覲謁便以
木蘭燕衍仍於山館匪効上林之爲周陟繁重爰

示我朝之度振古如斯用志言懷無非事者

皜日金風發蹕旌武成愷樂愜輿情分茅有待均頒

惠橐矢方將大會盟萬里伊犁朝北極三秋多稼閱

西成

安輿可識增欣豫

福壽駢臻算介瀛

駐蹕避暑山莊作

中外而今果一家止戈奉朔邁流沙兩臨先是曾施

惠去歲都爾伯特台吉策凌等來歸以五月宴於山莊比輝特台吉阿睦爾撒納等繼至十一月再至

山莊大賚茲番永定遐雲館桂芳秋正半山田黍熟

歲云嘉勤民繼

武願俱愜惟日孜孜敬益加

熱河啟蹕幸木蘭作

數日山莊慶典循木蘭時居鹿牲牲白露後鹿始出聲而鳴人肖其

聲可呼而至國語曰木蘭今即為圍場之通稱矣囊鞬早候一千騎蒙古備

舉成數村落都看三百困向北添衣涼益峭自西

馳牘喜猶頻新降衆台吉將至哈薩克近亦有遣使歸化之信今年秋獮增

佳話曰有條枝執勒人諸宰桑有命為侍衛供役者

萬樹園燈詞

舉首鍾峯月正圓
蓮花萬樹爛輝鮮
乍教秋夕成春夕
共道今年勝去年
鱗得鈞耆昔受盟
賜觀燈事沐光榮
綽羅斯氏彼中貴
共拜新恩奉大清
底須節物玉梁糕
菊酒纔過興尙豪
四面雲山絕頂處
勝他元胄共登高
黃幕穹廬向遠開
燈光月色共徘徊
紫霞滿酌親分賜
毳服儒冠雜逖來

內外蒙古汗王台吉以次召至御前賜酒內廷詞臣亦得與賜

烟火三番萬樹園

去歲夏宴都爾伯特冬宴輝特和碩特今始合四部衛拉特而封以

汗王各爵

銀花高下玉蛾繁
今宵未弛金吾禁

自九月十三至十五

凡三夕

都道居然度上元

蛭膏鶴燄千重艷
雞踏龍銜萬種奇
最愛鹿鳴青嶂外
分明鼓瑟譜周詩

照夜華鐙陳雁塞
借春碧海戴鰲山
彩箋書得新詞就
賡韻還催侍從班

九月龍堆了不寒
金鳧銀燕萬枝攢
恩膏永欲遐方被
宴賞寧尋一已歡

定北將軍班第遣人解達瓦齊至御午門受俘

鴛瓦續紛積瑞銀受俘軍禮舉重新今夏獲叛臣巴朗會御門受俘

丹墀羣辟齊肩侍白組名王繫頸陳

天德好生還貸死達瓦齊雖虐亂準噶爾部實未敢犯我戎索故特寬其死祇令幽繫都中

海濱多蹇又逢屯準噶爾部邇年屢遭兵燹今倅致達瓦齊意謂自今畧定不意阿睦

爾撒納貢恩潛逃雖不日成擒而目下窮夷不免沙蟲之嘆刑曹憲典聊遲待應例

兵部奏獻俘囚後付刑部行刑以赦指日歐刀剗叛

臣

冬夜懷軍前十四韻有序

今年夏五月大兵定伊犁獲達瓦齊盡撫準噶爾之衆振旅策勳燕諸台吉於避暑山莊阿睦爾撒納遷延途次潛遣人給取其拏約日颺去朕預有旨命駐烏里雅蘇台大臣防備阿睦爾撒納計不行乃獨身竄煽其黨斷軍臺思乘間擾諸部爰命西北兩路兵進剿諸部嚮應雖叛人可計日就縛而居此嚴冬勞我師旅中宵屢念怒焉不能安寢撫事抒懷以遣永夕

千軍踰老上五月定伊犁盡撫準噶平聲爾生擒達瓦

齊成功真太速居盛戒無倪天道滿招損人情利致

迷樊崇降頓悔悖拜志全攜狼子心終野鷹雛飽不

棲傷心緣失楚伊犁既定阿睦爾撒納覬得為總台

因分封四衛拉特為嫌畏已連氏阿睦爾撒納初叛

四汗彼遂萌叛志烏合知難固蠻封況各提阿睦爾

望風疑畏為所煽烏合知難固蠻封況各提阿睦爾

動旋為官兵所殲烏合知難固蠻封況各提阿睦爾

無所歸有謂欲奔哈薩克布魯特者諸王師因示討

部稔知叛人反覆多詐當必不為所容王師因示討

義問豈應稽念彼荷戈者仍吟擊鼓兮雪山經岨崕

鐵甲臥寒淒為此心常惻寧能樂獨禔馳書憐驛馬

問夜達晨雞露布重殷伋永清綏狄鞮

新正小宴外藩

一家中外逮渠搜三接從來禮數優朶朶綵雲成瑞

字灑灑霑露泛春籥肆筵每先去聲上元節列席教陪

歸義侯達瓦齊加恩封以王行慶底知心喜處即看

積玉滿峯頭

春園節物始妍和綵服華茵嘉客多桂核蘭湘方授

几花雲藕樹未分科毋俾底藉賓筵什易解教翻牧

馬歌樂部筳吹樂章中有牧馬遠使堪嘉知悔過也

令預宴沐恩波伊犁台吉宰桑等悔罪請擒賊自贖

頻聞

頻聞西師信脅從勦撫多

阿巴噶斯諸部脅從者勦其渠魁而撫其餘衆所收

人畜甚夥

渠魁就獲否遲待音如何華鏡縱酬節萬里懷

枕戈情知天助順衆憤惟么麼塗炭其鄂拓猊猱其

綽羅

阿睦爾撒納素標狡凶惡誘達瓦齊戕喇嘛多爾濟迨知爲衆所共憤計無復之乃不得已率

所屬來歸幸竊恩遇

飢鷹忽來投恩顧曾無過封狼終竄去會

匪嚴辭詞本意攘四部事逆理則那特計計今窮實

賴三窟窠獨厪王臣勞浹歲契闊歌更念歸化人游

牧廢寢訛佇俟紅旗遞集塞馳明駝蒙古地馳驛皆以駝雪嶺

兵氣銷瀚海春風和

二月十三日啟程躬祭

關里適以是日逆賊阿睦爾撒納就擒捷音至理宜

躬詣

祖陵叩謝因以路便命改程先謁

泰陵俟曲阜迴蹕敬當往謁

孝陵

景陵七字成詩一心誌慶

撫定伊犁功慶成告功

關里此涓程胡為背德圖專地卒致生擒遞捷旌數日紆途近申謝

二陵遙望迴懸誠

祖功

宗德叨鴻佑益切冰淵戒滿盈

鷙性安能飽竟颺遠夷亦自識綱常

時將軍策楞帥師深入諸部為

阿睦爾撒納煽動者舉悔從逆之非都爾伯特台吉伯什阿噶什率庫本諾音台吉諾爾布等協力致討

賊乃 虛傳三窟藏身譎實許千廬悔罪良肯使游魂

潛釜底寧同飛鳥歎弓藏

上年畧定伊犁阿睦爾撒納為副將軍功成寵賚甚

渥方召赴山莊錫宴而逆賊反覆性成潛萌為四部總台吉之志所圖不遂乃中道叛去脅其黨為亂卒誅於

天貺慰還懼魚海龍堆日月光

黃新莊行宮疊去歲韻

去歲命貞師邀庥敬謁

陵功成信云速而何乖變生討叛重致誅虎旅踐王庭

鼓勇合衆力露布傳紅旌瀚海銷兵氣天弧靖狼星

蒙

佑申素悃吾寧漫改程

恭謁

泰陵

載戢干戈弓矢橐春風露布捷旗高徂求遂得元兇
繫者定端惟

聖澤叨保大今猶籌撫恤詰戎昔尚憶勤勞葳功成

志遑云幸戒滿持盈勵自操

涿鹿行疊去歲韻

采旄重臨凹字城獻功將為在泮行去年過此師方
出尚憶興寄軒轅明鴟翩其集鷹亦飽狡焉颺去自

云好由來

天道本禍淫險遠安能恃奸巧檻車纍致應自尤腆顏

猶詡懷恩稠

阿睦爾撒納叛後猶上奏乞為四部總
台吉署銜尚稱定邊左副將軍雙親王

奏中多受
恩圖報語

露布正到啟程際叩

陵途為三日留天涯盡處銷兵氣干戈包以虎皮收千

村耕牧本無事行因釋奠文教修

南苑行宮疊舊作韻 有小序

孔林告祭禮成旋蹕展謁

孝陵

金陵由趙北口取道而東經臨南苑遷次逾宿循覽舊

題感時觸緒輒仍原韻用述近懷

離宮信宿重關情綈几芸編觸目清詎料鹿蠹仍計

詐尙教頡利待擒生

起變日西路軍營馳報擒獲阿

逆賊緩師之計也已而策楞等驅除已奏伊犁定

初

知其為詐督兵速進刻期往擒驅除已奏伊犁定

終歸絕域平

睦爾撒納潛跡伊犁聞大兵至乃遁去喇嘛人旋轉

謨烈在天祈默佑

橋山東望薊雲橫

恭謁

孝陵

風雲環衛是先天松栢陰森近百年一脈

精神孰知遠萬方基構况承

前玉衣石馬驚霜露瑞嶺祥峯切顛烟耆定遐荒藉

鴻佑持盈思永益乾乾

恭謁

景陵

三征我武輯寧夷一面姑寬順應時奠遠庶因愉

素志告成敢以達衷私

音容三十四年隔

德澤千萬禳垂不數斯來緣有事不疏每到迥含悲

御園卽事

山亭水榭報清和踰月流光迅若何樹試綠陰方張

王二字花留紅意亦婆婆亡魂縱是逃獫狁獲醜惟

應待落那叛賊阿睦爾撒納入哈薩克界計當擒縛以獻洛那卽大宛今哈薩克也也

識事難期盡善洗兵志在挽天河去歲平定伊犁而阿睦爾撒納中道

叛歸煽惑伊犁宰桑喇嘛等亦有附彼為亂者已而衆知悔過欲擒彼贖罪又以衆志不齊竟致竄逸今

我軍既至伊犁大局已定特以窮極遊魂未卽致俘而大兵又不可遽撤為可憊耳

免甘省諸郡正供詩以紀事

上年平定伊犁西北兩路軍需採購輸輓率資之

甘涼肅諸郡邑邊氓誠悃服勤有足嘉者用免本

年應徵正供以恤勞勩

西北屬有事用兵非得已然非翦勁敵討逆執醜耳

特以道路遙兼之乏任使伊犁用兵在朕左右贊襄運籌者惟大學士傅恒一

人閫外之寄前後所用往往過於選懦昧於機宜而屢致債事殊為憤懣朕於始事卽為之躊躇審顧不

欲辦理遂致彼遊魂猶然延釜底屈指初十征逮今

復伊犁叶一年餘數月士卒亦勞止士卒用新附及
八旗弟子芻餉皆採購輸輓計價與叶豈如新安吏
點兵括鄉里猶念購與輓究資民力矣邊郡風樸淳
服勤誠足美用免惟正供休息自今始伫待獻逆俘
歸馬中外喜

嘲劉統勳

劉統勳以協理總督轉運軍儲駐巴里坤逆賊阿
睦爾撒納之叛煽阿巴噶斯哈丹等擾我臺站將
軍永常聞風恇懼自木壘退師巴里坤劉統勳輕

信不察率議棄地退保哈密審爾則何以不數月
間大軍旋收伊犁逆賊亦何至窮蹙遠竄耶朕燭
照其謬慮搖軍心命褫職治罪今舊疆蕩定逆賊
指日就縛念劉統勳一書生也軍旅非所爛且非
所職設令模稜者處此轉以緘默自全而奮發吐
露尙知急於公事是其識雖乖而心可諒爰畀以
原官并拈此嘲之

集賽伊犁歷一過珠崖請棄竟如何我非勤遠惟觀
火卿誤養奸作止戈究勝寒蟬原所諒堪稱老馬可

無訛羣牛

駝也

騎進陽關矣只恨難為叩角歌

逆賊阿睦爾撒納奔竄哈薩克我師采入追捕雖

屢戰勝而賊踪益遠因念絕域曠時不欲久勞

師旅宣諭撤兵詩以述意

窮寇且莫追天邊命返師一月既三捷

定西將軍達爾黨阿等殺

賊於雅爾拉罕巴巴大敗阿睦爾撒納去又殺賊於伊什爾罕

副將軍哈達哈等殺賊於臺哈薩拉克山阿布賚大

敗走兩路將軍旋以屢戰馬疲請暫退師明春再行

待休滋脫兔丹津似會看俘闕時

青海羅布藏丹津

十餘載上年平定伊犁獲之獻俘闕下

出師

出師在何所仍在西北荒渠魁既未獲醜逆因跳梁

留處軍原寡計月輸餼糧協力翦渠羽中路乃乖張

反戈忽內向百騎曾奚當

晴爾藏多爾濟報將軍兆

發兵協力共勦兆惠因遣將軍和起調札納噶爾

等諸部落協擒巴雅爾而札納噶爾卜哈薩克錫拉

餘中以眾寡不敵遇害 犯臺奪軍食遂致大獬狴

迴思去年來饑賑亂與康誰知煦嫗恩不足懷豺狼

我直彼則曲六師宜張皇以正討兇亂言順氣倍強

勁卒簡子弟召募非編氓叶 儲胥發帑項賦役非加
常其間或雇賃仍令計價償究不無勞民寬賦頒十
行內安外易攘逆靖順受慶丙夜籌軍機九微對燭
光宴樂弗耽盤救寧期久長出師非不得已永言示大
方

新正小宴外藩

南巡將啟駕西苑預開筵節景迎元夜恩波例往年
情聯新舊客春在鳳凰絃章蔽彬儀度誰云裘是擅
叛孽適俘至儔前細鞫情青滾雜卜本和托灰特貝
勒世受恩育去歲北路從

征中道叛歸騰布謗言欲煽動諸喀爾喀朕命親王
成衮扎布將兵討擒是日俘至即於宴次鞫其罪狀
以示諸外藩明 設如不跋扈一例被恩榮極典伊誰
與眾棄之之義

取圍觀衆莫驚各其勤職守彰瘡有權衡

降旨免甘肅本年額賦並積欠詩以誌事

西陲兵未罷戡亂非得已儲胥發官帑詎肯征閭里
究之出諸民豈如無事美去年縱蠲賦今復新正矣
地瘠貧民良施恩宜在此正供與全豁寬心勤耒耜
積欠免歷年奚用愁留抵靖外先安內化日春風裏
涿鹿行再疊舊韻

影燈喜爆鬧郡城民風豐歉覘經行行宮晚景正清
絕壁詩歲月標分明西征士騰馬亦飽機緣

天

湊時誠好其如審勢乏人為

西師所至仰蒙佑可刻日廓清而統兵

諸臣各分彼宜狼子野心殊詭巧降蕃變亂因畏尤

阿睦

爾撤納巴雅爾等皆因受恩驕恣自反面不顧恩遇

稠聲罪致討重整旅肯使偕德殘生留七擒南人不
復反三年克之鬼方收身此南巡心西海宵衣靈憚

軍書修

紅杏園再疊前韻

練日巡江國乘春發鳳輦昨歲告武成憶曾於斯館

豈知馳捷旌詭計事後顯

去春以伊犁底定親告孔林起變時擒獲阿睦爾

撤納之報適至閱數日乃知叛賊誑言以懈眾志統

因正軍帥三軍賴司命一籌何莫展選將更整旅問

罪王師遣

去歲以阿睦爾撤納未就獲故懷觀望如

親王成衮札布為定邊將軍以今仁待奏膚功勘亂

靖鄯善

詣

闕里瞻拜

去歲躬親奠

素王迴程重謁

廟堂皇誰知獻馘翻成偽

去春以上年平定伊犁親

獲阿睦爾撒納之報久之乃知

遂致餘氛更構殃

逆賊

策楞等為賊所給輕信妄奏

豈礙告成斯定

局曰惟聲罪不庭方

祖功

聖德胥垂佑在泮行歌載戢章

五更

五更軍書至云速六百里宵衣急披閱乃知報捷喜

呢嗎已俘獲並繫其妻子去歲重猖獗禍魁實曰此

札納噶爾布倡和如魚水執魁訊厥踪云亦就拘矣

乃因彼中亂操戈同室裏達瓦及渾齊二台名縛獻贖

罪己呢嗎與札納噶爾卜旋為阿睦爾撒納所襲頃執呢

而札納噶爾卜旋為阿睦爾撒納所襲頃執呢先是我比軍早擒

巴雅爾亂首大半殲所餘惟二耳哈薩克錫拉組頸

期可指阿睦爾撒納喙息尙逃死斯實魍魎渠亦失

三窟恃阿睦爾撒納竄入哈薩克竊馬遁還揚言哈

薩克助其兵力以煽動逆黨近哈薩克汗阿

布查遣使稱臣
約擒逆賊以獻
仗待白練牽絕域兵革弭

大西門樓前較射疊舊作韻有序

戊辰九月較射於此發二十矢中十有九詞臣齊
召南以七律四首進呈因用其韻勒之壁間次年
己巳孟夏

皇太后御樓觀射是日十中其九破的者三仍用韻紀
事頃秋獮迴蹕九月二十有三日間

安之次引見樓下復命射屢中後懸的最小者亦再破
的適哈薩克使臣列觀班末三疊前韻紀之

朔塞迴鑾攜貴山扈隨經月六龍間視朝許厠千官

未將以廿六日進宮視朝亦禮駐苑聊乘數日間問

寢敬趨

慈壽閣亮功敷對鷺鶴班疇咨已罷餘清暇較射令平聲

觀駢角彎

漏言誰者犯無當跳免爰爰脫大黃阿睦爾撒納為官兵追急復投

哈薩克阿布賚留之欲擒以獻而為愧我猶然失前

著示伊空自擅穿楊銷兵惟厘肆時夏懷遠因教觀

國光和議羅父素應守昔年俄羅斯請和與定十一條內彼此不食遁逃今逆賊

金定皇朝西征圖志 卷首二
已入彼想彼定 當縛送闕下也 待期縛送致封狼

南服災傷重洛嵩慙稱飢溺已躬同盱宵惟亟籌衣
食支詘何能適矢弓荒服却因至鷓鴣羽林况復侍
羆熊聯情示度聊親御連中休誇此素工
罷射平蕪一驪鞭山光萬壽正迎前飛樓隱入丹霞
嶠畫幟衝開碧水天菊放恰疑金布地稻收喜看種
遺田陪臣攜賞非驕富愜史傳將自此年

冬日視朝

百寮劍佩集明廷班末陪臣贊謁聆 是日哈薩克黃

道星辰聯畢昴小陽候節霽元冥東鷓西鰈誰分域

琉球使臣適亦隨班叩闕 北極南荒一太寧遠服邇安心敢肆敬

天勤政

訓聰聽

西陲

西陲方蕩定卒未得休師勤遠非初意三年乃逮茲
設能先執領安用屢移碁事順乏人幹乏人責在誰
西陲用兵非本意具見前記幸成大功斷無中棄
之理使任事者智勇兼備早誅一阿睦爾撒納則

衆叛惕息必不敢再生事而諸臣屢失事機以致羣孽反覆逆會遠竄勞我師徒於今三年矣準噶爾素稱雄長諸部哈薩克從來未通中國今伊犁旣已平定哈薩克汗阿布賚亦不煩招徠傾心內嚮孰非

上蒼之默佑耶然伊犁耕牧善後與夫一二遺孽尙待勦靖一時不能罷師雖不似古者役民之爲而曉夜運籌自覺勞心亦事之不得已也若夫濟事無人則惟深感愧耳

俄羅斯驛致叛賊阿睦爾撒納死屍信至詩以紀

事

有序

去歲因阿睦爾撒納由哈薩克竄入俄羅斯境內執言索取爾時浮議或慮致起邊釁然俄羅斯以逆賊素稱兇狡留之以資其力未卽縛送此更不可不力索矣因命典屬嚴辭疊促茲以逆賊患瘡身斃俄羅斯遂傳送其屍修辭遣使以祈永睦蓋彼有大圖則不屑守和約而奇貨旣亡則毋寧遵舊盟此事理之易見者設使不向取則並此亦不

俘獻矣從此俄羅斯之和好益固準噶爾餘孽攜
貳自消而為庸懦姑息之浮言者當自知愧赧撫
茲事蹟畧志顛末既以杼因時斷制之懷且用昭
示來茲俾知息事因循實不足與語詰戎固圉之
道也

聯彖善走更工藏蘇對潛逃又北荒詎識羅義和約
固獻來萬里逆屍疆功如彭寵遼東豕執達瓦齊之
役阿睦爾撒
納原不可謂無功而伊犁既平遂懷攜貳然使任事
者能遵朕旨而中事機亦不致債事三年之久也
心是溫禺天外狼遺孽廓清永砥屬持盈益勵敬皇

皇

早嫌牛腹與鳶肩密旨丁寧敕事先初命阿睦爾撒
納為將軍時恐

其有反心密勅固倫額駙色布騰巴爾珠爾及軍營
大臣等言彼不叛則已若露叛蹟當先誅之而諸臣
徘徊遷延亂弭安能待訛訛禍成因未塞涓涓由來

一勇士之力何致惟姑息以延荒服遵盟歌保定藁
街寧追首明懸

西師

西師歷四載王臣久于役誰無室家心而能忘契闊
始緣趁機動操刀乃必割終以阻遠艱舉碁忌屢易

欲罷又未能永言誌顛末

皇祖征朔漠卽此厄魯特三番整六師狼羣始窘迫策

妄退守巢于以延喙息取馘索賊子惟命無敢逆

爾

丹兵敗仰藥死其子脫身逃竄時策妄阿拉布坦厥

後漸滋饒遂復劫西域策妄阿拉布坦逞其詐力勢

其長子丹衷襲殺拉藏汗大肆劫畧我師抵西藏其

長帥大策零敦多卜始引眾歸巢大策零敦多卜即

皇考闡

前猷思一勞永逸兩路命大舉帑藏非所惜究因時弗

轉勝敗互軒輊雍正年間西北兩路駐兵賊以送還

竊西路馬羣因藉所獲馬力跳梁北路勢甚猖獗後

將帥之臣按兵不追賊眾得以曰予守

成訓罷兵事安戢稔知賊所恃其長有二術一曰激我

怒勞我衆遠出彼乃邀近功坐緹我物力一曰窺我

邊列堦疲戍卒戍久心或懈彼乃逞陵軼知然明告

彼以主待其客遠兵旣罷征遠戍亦罷撥近邊汝或

伺汝遠勞竭蹶噉爾丹策凌聞言乃計緹得失故曉

然求和使來亟來亦弗之拒厚往示恩澤如是終彼

身無事皆寧謐其子曰阿占

即策妄多爾濟那木札爾之乳名

暴虐

莫可詰用是失眾心相延為篡奪喇嘛達爾濟戕彼

位自襲達瓦齊攘之計蓋由撒納

喇嘛達爾濟既篡阿占而奪其位達

瓦齊借阿睦爾撒納奔哈薩克藉其聲援復篡喇嘛達爾濟皆阿睦爾撒納為之謀畫蓋欲自取也 綽

羅斯汗族達瓦齊一脉阿睦爾撒納輝特別枝葉時

慮眾鮮從以此綴旒設終不忘伊犁

伊犁蓋四衛拉特會宗之地也

煽亂事狡譎達瓦齊弗甘兵連禍相結惟時三策凌

都爾伯特台吉策凌策凌烏巴什 避禍來投闕撒納

旋亦歸寵遇圓班列熟籌如許眾雜居喀爾喀如狼

入羊羣幾不遭啗嚙就其力請師毋寧授之鉞

阿睦爾撒

納歸命乞師朕思機既可乘而新降多人若盡處我喀爾喀之地終非長策故定議出師遂命阿睦爾撒

納副將軍 國家全盛時出帑儲胥挈曾弗加賦徭更

未廢賑恤八旗及索倫勁旅多英傑其心盡忠篤其

技善撤援那如杜甫詩慘惻新婚別乙亥我出師一

矢曾未發五月大功成庶以慰

前烈而何狼子心飽揚去飄瞥留語啖眾狙倡亂動戈

戟致我二臣捐驛路肆唐突

阿逆潛蓄異謀於達瓦齊就擒大兵凱旋時即

流言脅眾惡之徒倉猝變動班第鄂容安同時 羣

言益蝟蟮無怪懦者怯欲棄巴里坤堅志斥其說整

師重討叛所向復無敵一二畏首尾乃致賊兔脫

復進前徒倒戈阿逆眾叛親離成擒在邇乃因將軍

策楞參贊玉保等不和又無克敵致果之畧阿賊得

命以亡申命事窮追大宛搜三窟於詐應以直殘喘命

得乞哈薩克汗阿布賚始意欲留阿睦爾撒納大兵

使詭辭稱哈薩克眾即欲擒獻阿逆但其汗阿布賚

未到乞暫緩師適以策楞獲罪命達爾黨阿將兵前

往我兵以逆賊在日前爭欲進促而達爾黨阿以爲

天朝當示以大義彼既縛獻不宜加師力阻眾兵排

徊觀望而賊得宰桑勤王者見此笑以竊遂生輕我

心旋師反又忽時呢嗎哈薩克錫拉皆以受職從征

見達爾黨阿爲賊所賣笑其無能自

哈薩克還復生變計與巴雅爾莽噶計賺我和起奮

勇沙場沒兆惠全師還則予命往接將軍兆惠以孤

衛嗎倫楚等帥師赴援乃得振旅而歸抵巴里坤丁

丑重問罪值彼互殘殺因緣撒納歸遇我竄倉猝將諸

分南北兩路直指伊犁維時札納噶爾卜殺其叔綽

羅斯汗噶爾藏多爾濟欲併其眾尋又爲台吉達瓦

所殺而獻其首軍門時阿睦爾撒納復自哈薩

躡其後大宛徠汗血稱臣許捕寇寇更逃羅刹富德

睦爾撒納適值哈薩克之兵而哈薩克畏我兵威稱

臣貢馬且誓擒賊自効阿逆知不能免乃奔俄羅斯

俄羅斯一名羅或曰不必追或曰不必索或曰捐伊

或曰羅利

犁築室謀紛汨北荒守和議冥誅致賊骨伊犁倡亂
流大半就擒訖初議衆建侯爲撫四衛拉二十一昂

吉公屬掄閱閱準噶爾厄魯特又名四衛拉特部內
有綽羅斯輝特和碩特都爾伯特四

族各領其衆而綽羅斯爲長噶爾丹策凌時設二十
一昂吉昂吉者部落之稱也爲其汗公屬達瓦齊既
執歸京師於四部各封一汗而二十一昂吉則歸
之公屬如八旗蒙古然仍擇其世族宰桑輩長之

予奉

天道好生體

造物詎知彼孽深歷世不可活以其狙詐類誠如向所
畫每歲費豢養終亦背恩蔑是傷我脂膏而育彼羽

翼不如反之速掃蕩今將潔猊猊肆惡流三氏淪亡

歇噶爾藏多爾濟被殺綽羅斯族殄滅無幾輝特汗
巴雅爾亦以叛逆誅和碩特汗沙克都爾曼濟
心懷攜貳參贊大臣雅爾哈善餘都爾伯特始終守

臣節所以至今存耕牧安織殖其廿一宰桑非誅卽
病歿不善降百殃此理愈昭晰謂禍乃成福致得每
於失幸以免衆議孰非

鴻佑錫設使司事者惟明更勇決萬全盡美善詎有小

差跌都大承平久軍旅誰經歷益因警宴安求全肯
過刻先是花門類雜種曰回鶻久屬準噶爾供役納

種桔羈縻其和卓

鳴爾丹策凌先以兵威迫脅回人執其會長和卓拘繫於阿巴噶斯

之部落以回民分隸各昂吉下而役使之

籠絡其臣妾我師定伊犁乃得

釋縲紲我將縱之歸撫眾許朝謁

和卓初聞大兵西伐獻款輸誠備極

恭順我將軍班第等因縱還故土俾撫取其眾納賦執役

肉骨生死恩感應久不

輟報德乃以怨轉面凶謀黠我將所遣使百人遇害

劇

和卓歸故城後我將軍等差副都統阿敏道率百人往會盟而彼乃設計盡行戕害

是皆奉

上命守義遭臬兀苟不報其讐何以勵忠赤厄魯今

蕩平回部餘波蕞徒以守堅城未可一時拔賈勇誠

易登傷眾非所悅中夜披軍書萬里遙籌策窮荒信

安用弦上矢難遏志因繼

兩朝變豈防一切

蒼靈賴有成浮論寧祛惑開邊竟無已自問多慙德但

思文子言解嘲守弗詩

卽事

厄魯蕩平回部連止戈畢竟是何年固緣弦上矢必

發終愧階前羽舞旋勃律正聞踵來接堅昆伫待首

誅駢山莊行慶暇奚念念到庫車阿那邊

駐行營

今年獵場向迤東崖口外卽行營駐曉涼羣已換旃
 冠背指離宮猶驛路輕驄得得進圍界漸遠村莊多
 野趣四十八家率獵騎囊韉供役咸來赴牛牟駝圓
 滿谷中乳餅馬潼隨意酷厄魯驚嘆有如是伊犁較
 此難言富山莊幾日陪宴賞宮室衣冠非所諭古來
 北部輕南朝今日歸新原勝故我聞此語心爲怡延
 美孰非

祖烈貽共縉紳士議兵革與介胄士談書詩以水投石
 昔所譬柄鑿弗入共奚疑習勞繩

武益勤懇一家中外綿丕基

仲冬南苑大閱紀事

廿年一舉寧爲數

乾隆己未大閱至今蓋廿年矣

周禮分明節候論

便設軍容示西域

時哈薩克布魯特塔什罕回人等皆令預觀

伫看露布

靖堅昆

邇日盼將軍兆惠喜音殊切於懷

好齊以暇千旂颺旣正還

奇萬礮喧風日晴和士挾纊非予恩也總

天恩

苦衷

苦衷早已賦西師孰謂頑回尙守持當俎刀操終必

割在弦矢發可容遲獨慚

天與人歸會竟致窮兵黷武嗤師直理長觀事定目前

浮論付憑伊

欽定皇輿西域圖志卷首二

